



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 21. tačke 2., člana 46. tačke 2. i člana 84. tačke 1. Zakona o veterinarstvu u Bosni i Hercegovini („Službeni glasnik BiH“, broj 34/02), Ured za veterinarstvo Bosne i Hercegovine, donosi

UPUTSTVO

o obaveznom provođenju mjera pojačanog nadzora pošiljaka mesa svinja i proizvoda od mesa svinja

Član 1.

- (1) Radi sprečavanja unosa bolesti afričke svinjske kuge naređuje se obavezno uzorkovanje i upućivanje na testiranje na prisutnost virusa afričke svinjske kuge pošiljaka mesa svinja i proizvoda od mesa svinja koje se uvoze u Bosnu i Hercegovinu iz Poljske, Mađarske, Estonije, Grčke, Italije, Latvije, Litvanije, Moldavije, Rumunije, Bugarske, Sjeverne Makedonije, Slovačke, Njemačke, Češke, Hrvatske i Srbije.
- (2) Uzorkovanje će se vršiti kod svih pošiljki mesa svinja i proizvoda od mesa svinja iz stava (1) ovog člana koje se uvoze u Bosnu i Hercegovinu, na način da se obezbijedi reprezentativnost uzorka za svaku proizvodnu seriju.
- (3) Rezultati testiranja pošiljaka iz stava (2) ovog člana moraju biti negativni.
- (4) Za sve pošiljke u kojima se nakon testiranja iz stava (2) ovog člana utvrdi pozitivan rezultat na prisustvo virusa afričke kuge svinja, nadležni veterinarski inspektor je dužan postupiti u skladu sa odredbama Odluke o zaraznim bolestima životinja („Službeni glasnik BiH“, broj 44/03) i Pravilnika o mjerama za suzbijanje afričke kuge svinja („Službeni glasnik BiH“, broj 15/17).

Član 2.


Sve troškove nastale u cilju primjene ovog Uputstva snosi uvoznik.

Član 3.

Ovo Uputstvo stupa na snagu danom donošenja i važi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu afričke svinjske kuge.

Broj: 02-4-02-2-105-9/23

Datum: 28.07.2023



DIREKTOR

Saša Bošković dr vet-med.

Dostaviti:

- Ministarstvo vanjske trgovine i ekonomskih odnosa – kabinet Ministra
- Svim graničnim veterinarskim inspektorima;
- Odjeljenje za zdravlje i dobrobit životinja;
- Odjeljenje za sigurnost hrane i uslove u objektima;
- Svim uvoznicima koji imaju rješenje o nepostojanju veterinarsko zdravstvenih smetnji za uvoz mesa svinja
- Arhiva.